



*Bosna i Hercegovina
Federacija Bosne i Hercegovine
Kanton Sarajevo
Perzijsk-bosanski koledž sa internatom
Ilijaš, Odžak br. 5*

*tel: 033-402-204
fax: 033-402-487
e-mail: pbkilija@gmail.com
web: www.pbk.edu.ba
žiro-račun: 13466110069841219*

PROGRAM I KRITERIJI ZA PRIJEM UČENIKA U PRVI RAZRED PERZIJSKO-BOSANSKOG KOLEDŽA SA INTERNATOM

I OPĆE ODREDBE

Član 1.

(Pravo upisa u prvi razred Perzijsko-bosanskog koledža sa internatom)

- (1) Pravo upisa u prvi razred Perzijsko-bosanskog koledža sa internatom imaju učenici sa završenom osnovnom školom, koji nisu stariji od 18 godina, odnosno koji do kraja tekuće kalendarske godine ne navršavaju više od 18 godina života.

Član 2.

(Upis, prijem i obrada dokumentacije)

- (1) Perzijsko-bosanski koledž sa internatom vrši upis učenika u prvi razred u skladu sa Odlukom Školskog odbora Perzijsko-bosanskog koledža sa internatom ili Odlukom Osnivača.
- (2) Izmjene i dopune odnosno proširenje Plana upisa iz stava (1) može odobriti Osnivač.
- (3) Prijava i upis kandidata u prvi razred Perzijsko-bosanskog koledža sa internatom provodi se putem Informacionog sistema EMIS, kroz on-line upis.
- (4) Rang-lista svih kandidata i učenika primljenih u prvi razred Perzijsko-bosanskog koledža sa internatom objavljuje se putem Informacionog sistema za on-line prijave i upis u srednje škole kao i na oglasnoj tabli i internet stranici škole.

Član 3.

(Uslovi za upis)

- (1) Upis učenika u prvi razred srednjih škola vrši se pod istim uslovima za sve učenike državljane Bosne i Hercegovine, povratnike iz inostranstva, kao i za strane državljane i lica bez državljanstva u skladu sa važećim Zakonom o srednjem obrazovanju.

Član 4. (Konkurs)

- (1) Izbor kandidata za upis u Perzijsko-bosanski koledž sa internatom vrši se na osnovu Odluke o kriterijima za upis učenika u prvi razred srednjih škola Kantona Sarajevo.
- (2) Prvi konkurs iz stava (1) objavljuje se na internet stranici Ministarstva i škole najkasnije dva mjeseca prije početka naredne školske godine i otvoren je najmanje pet radnih dana.
- (3) Ukoliko na prvom konkursnom roku nisu popunjena planirana mjesta škola objavljuje drugi konkursni rok za upis učenika u prvi razred Perzijsko-bosanskog koledža sa internatom na internet stranici škole, najkasnije 15 dana prije početka naredne školske godine i otvoren je najmanje tri radna dana.

Član 5. (Dodatni uslovi za upis u Perzijsko-bosanski koledž sa internatom)

- (1) Kandidati koji konkurišu u Perzijsko-bosanski koledž sa internatom polažu prijemni ispit - intervju, koji su dužni okončati najkasnije dva dana prije završetka on-line upisa.
- (2) Uvjet za pristupanje prijemnom ispitu - intervju iz stave (1) ovog člana je da je kandidat tokom prethodnog školovanja ostvario minimalno 71 bod potreban za upis u gimnaziju po osnovu čl. 10., 11., 12., 13. I 15. Odluke o kriterijima za upis učenika u prvi razred srednjih škola Kantona Sarajevo (Sl. novine KS 11/25).
- (3) Mjesto i satnica polaganja prijemnog ispita - intervju za kandidate koji konkurišu u Perzijsko-bosanski koledž sa internatom, objavljuju se na oglasnoj tabli i internet stranici škole.
- (4) Rezultate prijemnog ispita - intervju unosi škola putem Informacionog Sistema EMIS i to najkasnije dva dana prije završetka on-line upisa.
- (5) U slučaju da kandidat bude ocijenjen sa negativnom ocjenom, smatra se da nije položio prijemni ispit.
- (6) Program i kriteriji za polaganje prijemnog ispita - intervju će biti objavljeni na oglasnoj tabli i internet stranici škole najkasnije do objavljivanja konkursa.
- (7) Program polaganja prijemnog ispita u Perzijsko-bosanskom koledžu sa internatom, način ocjenjivanja u smislu eliminatornosti i kriterije vrednovanja rezultata, utvrđuje nastavničko vijeće škole najkasnije sedam dana prije testiranja.
- (8) Prijemni ispit - intervju se polaže pred stručnom komisijom koju imenuje nastavničko vijeće škole.
- (9) Na prijemnom ispitu – intervju moguće je ostvariti maksimalno 7 bodova.

II KRITERIJI

Član 6. (Kriteriji za upis)

- (1) Upis učenika u Perzijsko-bosanski koledž sa internatom vrši se na osnovu sljedećih kriterija:
 - a) općeg uspjeha kandidata postignutog u VI, VII, VIII i IX razredu osnovne škole svedenog na dvije decimale čiji se zbir pomnoži koeficijentom 2,60 (maksimalno 52 boda);
 - b) uspjeha iz predmeta posebno značajnih za gimnaziju (Bosanski jezik i književnost, Hrvatski jezik i književnost, Srpski jezik i književnost, Matematika, prvi strain jezik) dobivenih u VIII i IX razredu osnovne škole čiji se zbir pomnoži koeficijentom 0,80 (maksimalno 24 boda);
 - c) uspjeha postignutog na ispitima eksterne mature čiji se bodovi množe koeficijentom 0,80 (maksimalno 24 boda);
 - d) rezultata postignutih u organizaciji organa nadležnih za oblast obrazovanja, kantonalnim, te takmičenjima na nivou entiteta u BiH, BiH, kao i na međunarodnim takmičenjima. u skladu sa čl. 15. Odluke o kriterijima za upis učenika u prvi razred srednjih škola Kantona Sarajevo (Sl. novine KS 11/25) (ukupan zbir ne može prelaziti 7 bodova);
 - d) uspjeha na prijemnom ispitu - intervju; (maksimalno 7 bodova).

Član 7. (Potreban broj bodova za upis)

- (1) Za svakog kandidata koji konkuriše u prvi razred Perzijsko-bosanskog koledža sa internatom utvrđuje se ukupan broj bodova po osnovu rezultata navedenih u članu 6.
- (2) Za upis u Perzijsko-bosanski koledž sa internatom učenik po svim osnovama mora imati minimalno 78 bodova.

Član 8. (Uslov za upis učenika iz inostranstva i ekvivalent bodova)

- (1) Ako je učenik završio osnovnu školu u inostranstvu i ako nema predmeta u zadnja dva razreda osnovne škole koji su značajni pri upisu u gimnazije, onda se umjesto ocjena iz tih predmeta uzima prosječna ocjena iz svih predmeta u zadnja dva razreda osnovne škole za svaki predmet pojedinačno.
- (2) Ako je učenik završio osnovnu školu u inostranstvu ili ako dolazi iz registrovane osnovne škole sa područja Bosne i Hercegovine koja realizira nastavne planove i programe drugih država ili asocijacija država, onda se pri upisu u prvi razred umjesto bodova postignutih na ispitima eksterne mature, u

on-line sistem upisuju bodovi koji se dobiju tako što se u obzir uzima zbir općeg uspjeha u posljednja četiri razreda osnovne škole, koji se pomnoži sa 1,50.

Član 9.
(Sadržaj prijave za upis)

- (1) Za prijavu za upis u prvi razred Perzijsko-bosanskog koledža sa internatom kandidat je dužan predati u školi sljedeća dokumenta, najkasnije četiri dana od dana objave rezultata online upisa:
- a) prijavu za upis;
 - b) izvod iz matične knjige rođenih – ovjerena kopija
 - c) svjedodžbu o završenoj osnovnoj školi – original;
 - d) uvjerenje o uspjehu učenika u VI, VII i VIII razredu osnovne škole original;
 - e) uvjerenje o rezultatima postignutim na eksternoj maturi – original;
 - f) druga dokumenta relevantna za utvrđivanje broja bodova skladu sa čl. 15. Odluke o kriterijima za prijem učenika u prvi razred srednjih škola Kantona Sarajevo (Sl. novine KS 11/25).

Ilijaš, 2.6.2025.
Broj: 81-K/25



Haris Alihodžić, prof.